

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Málagn Kommúnistaflokks Íslands/Marxista-Lenínista

5. tölublað

Þriðjudagur 31. janúar 1978

7. árgangur

Verð kr. 80.-


Stórsigur yfir niðurrifsöflunum

Síðastliðinn laugar-
dag héldu andstæðingar
niðurrifsstefnu borg-
aryfirvalda í málefnum
miðbæjarins, stórglasi-
legan baráttufund á
Hallærisplaninu. Var
fjölmennt á fundinum,
þrátt fyrir kuldan og
þjöppuð menn sér bara
saman og létu baráttu-
andann ásamt heitu tei
sem var á boðstólum,
halda á sér hita. Fund-
urinn var skipulagður
af undirbúningsnefnd
sem skipuð var fólki
úr ýmsum áttum, skóla-
fólki, fulltrúum frá
Íbúasamtökum Grjóta-
þorps, Vesturbæjar og
Torfusamtökunum. Auk
þeirra sem sátu í
sjálfri framkvæmda-
nefnd aðgerðanna lögðu
margir hönd á plögin og
unnu mjög gott starf,
sérstaklega var yngri
fólkið virkt í áróðurs-
starfinu, svo sem í
dreifingu á dreifriti
og auglýsingu á fundin-
um.

Sú stefna varð ofaná
í undirbúningnum að
gefa aðgerðinni hressi-
legan og baráttuglaðan
blæ. Meðal annars sagði
í yfirlýsingu frá und-
irbúningsnefndinni að
til stæði að "þurrka
þjóðhátíðarsvipinn sem
mest af ásýðnu fundar-
ins". Það er óhætt að
fullyrða að því mark-
miði hafi verið náð.
Fundarstjórnin fórst
Péttri Gunnarssyni vel
úr hendi og átti það
sinn þátt í því hve
vel tókst til. Spil-
verkið kom fram með
lag um grænu bylting
una borgarstjórnarinn
ar. Hamrahljóðarkórinn
kom fram og segir það
nokkuð um hug ungs

fólks til þessara mála
hversu einhuga hann
stóð að þessu máli.
Nemar úr leiklistar-
skólanum fluttu leik-
þátt þar sem bent var
á tengsl borgarstjórn-

ar og verslunarauð-
valdsins í banum, og
var ekki vanþörf á að
taka það fyrir. Elías
Davíðsson lék undir
fjöldasöng á harmoniku
og strákar úr Hamra-
framhald á baksíðu



Frá útifundinum á Hallærisplaninu.

Hvað varð um milljarðagróðann?



Árni Benediktsson, fram-
kvæmdarstjóri sendi um dag-
inn greinarkorn til þriggja
blaða til birtingar vegna
skrifa Þjóðviljans um stöðu
frystiðnaðarins. Í Þjóðvilj-
anum var sýnt fram á að
söluverðmæti frýstra sjávar-
afurða höfðu aukist um nærri
30 milljarða, en þetta taldi
Árni ekki geta staðist, en
taldi að sú verðmætaaukning
sem orðið hefði hefði öll
farið í að greiða hærri laun.
Fyrir Árna var þetta einfalt
mál, verðmætaaukningin
vegna hærri söluverðs hafði
öll farið í launahækkunir.
Árna láðist raunar að sýna
fram á hvornig hann kæmist
að þessari niðurstöðu en
slær því föstu að launahækk-
unin hafi verið 62% milli
áranna 1974 og 1977. Það
hefur orðið hækkun í krónum
á þessu tímabili og mælt í
dollurum þá lætur nærri að
um 24% hækkun sé að ræða,
en ekki 62% eins og Árni
heldur fram. En hitt er líka
óhrekjanleg staðreynd að
kaupmáttur launa hefur lækk-
að á sama tímabili, en á
meðan hefur söluverðmæti
fyrirtækjanna í Bandaríkjunum
hækkað um 100%. Ef Árni
ætlast til að honum verði
trúað þá verður hann að
sýna fram á að þessi 100%
hækkun hafi ekki leitt til
aukins gróða og eignamyndun-
ar. Þetta getur Árni vitaskuld
ekki og honum dugar ekki að
bera fyrir sig að Gjaldeyrís-
eftirlit Seðlabankans líti eftir
rekstri fyrirtækjanna. Það
er ekki Seðlabankinn sem á
þessi stórfyrirtæki það eru
þau sem eiga Seðlabankann.

framhald á síðu 2

Lygáþvæla Kremlherranna

Sovéska áróðursvélin
hefur hleypt af stokk-
unum lyga- og rógsher-
ferð gegn Kína, út af
hernaðaráttökunum milli
Kambódíu og Víetnams.
Í sovésku útvarpi 3.
janúar mátti heyra
þessa fréttaskýringu
að: "Kína hefur kynt
undir versnandi sambúð
Kambódíu og Víetnams."
Ísvastía og Tass
fréttastofan hafa jafn-
vel dreift viðbjóðs-
legustu lygum eins og
að: "Kínverskir hern-

aðarsérfræðingar stjórn-
uðu hernaðaraðgerðum
Kambódíuhers."
Það er í raun varla
ástæða til að svara
slíkum lygum og blekk-
ingum. En sú staðreynd
að Rússar kjósa að
beita þessari aðferð,
þarfnast athugunar.
Eitthvað sem þolir
illa dagsins ljós,
hlýtur að vera hvati
þessara hatursárása á
Kína.
Venjuleg aðferð Rússa
er að finna einhvers

konar yfirvarp þegar
þeir vilja koma upp
missætti. Þeir ásaka
aðra um stórar og þung-
ar sakir til að dylja
sínar eigin fyrirætlanir.
Sagan hefur sannað að
Sovétríkin sjálf hafa
verið höfundar margra
milliríkjadeilna. Árið
1971 í deilu Indverja
og Pakistana studdu
þeir einn flokk gegn
öðrum. 1974 nýttu þeir
sér togstreitu þjóðar-
brotanna á Kýpur, til
að reyna að ná frá

Bandaríkjamönnum hern-
aðarlegri fótfestu á
Miðjarðarhafinu.
1975 og 1976 alhæfðu
þeir um mismun samtaka
þjóðfrelsishreyfinga
Angóla og studdu eina
gegn öðrum. Af því.
leiddi borgarastyrjöld.
Þeir sendu líka her-
gögn og fleira og
skiptu sér af innanrík-
ismálum þessa nýrjálsla
ríkis til að gera það
að framverði sovéskr-
ar útpenslu í syðri
hluta Afríku.

1977 léku þeir sama
leikinn í deilu Angóla
og Zaire. Síðan beindu
þeir athygli sinni til
Norður-Afríku og Mið-
Austurlanda, notfærðu
sér ágreining ríkjanna
og dýpkuðu hann til að
það gagnaði útpenslu
áhrifasvæðis þeirra.
Nýlega fór fram sovés-
kerfing með flugflutn-
inga á þessu svæði.
Þetta er allt dæmi sem
sýna hvornig Rússar
nota deilur ríkjanna
heimsins til að græða
á sjálfir. Það vita
allir að þeir hafa
viljað ráða yfir Suð-
austur Asíu og hafa
framhald á baksíðu

LEIDARI

Kosningar og samstarf um framboð

Eftir því sem nær kosningum dregur verður umræða um þau sjónarmið sem flokkarnir setja fram fyrir kosningarnar stöðugt meir til umræðu. Hvað er það sem gerir kosningarnar svona mikilvægar í augum almennings? Á fólk von á að það verði einhverjar stórkostlegar breytingar? Eða eru stefnuskrár þær sem bornar eru fram svona misjafnar? Eða er það kannski allt þetta, en þó sérstaklega að kosningarnar eru stór aðgerð í augum flestra þar sem þeir álíta sig geta haft áhrif á stefnu þjóðmála, sem þeir eru í mörgum tilvikum sáráðnægðir með. Fólk vill geta notað rétt sinn sem þegar þessa þjóðfélags til að ráða nokkru um hver stefnan sé á hverjum tíma. Áhrif fólks til að koma sínum sjómarmiðum að um "stjórnun" landsins er nær eingöngu takmörkuð við þetta. Vissulega hafa margir trú á að kosningar fjórða hvert ár skipti sköpum. Engin hefur að vísu séð teljandi breytingu milli ríkisstjórna en engu að síður hefur fólk trú á því að með því að kjósa 60 manns á alþingi hafi það málin í sínum höndum.

Fyrir þá sem treysta sér til að nota sér þennan baráttuvettvang til að koma brýnum málum á framfæri, er því mikilvægt að gera það á réttan hátt. Ef KFÍml tekur þátt í þessum kosningum verður hann að gera það með því sjónarmiði að það eru málefni sem skipta mestu máli að náist fram, en ekki hverjir berjast fyrir þeim. KFÍml mun því ekki leggja áherslu á að auglýsa sjálfan sig eða sína stefnu. Hann mun þess í stað berjast á grundvelli kosningagrundvallar með öllum þeim sem hann vilja styðja. Hvort sem það eru flokkar, félaga samtök eða einstaklingar. Þetta verða meginsjónarmið okkar til þess hvernig staðið verður að kosningabaráttunni. Ákvörðun um það hvort og hvernig verður boðið fram ræðst vissulega af því hvernig málin þróast næstu mánuði.

Helstu hugmyndir um það hvernig málefnalegur grundvöllur fyrir kosningarframboði gæti litið út tekur til þriggja meginþátta Íslenskra þjóðmála. Í fyrsta lagi eru það efnahagsmálin og þá hverjir eru hagsmunir Íslenskrar alþýðu. Það verður að berjast fyrir því fyrst og fremst að lífsskjörin verði bætt og að 40 stunda vinnuvika nægi til framfærslu. Yfirvinna, akkorað og slík kerfi til að auka gróða skapa glundroða og eru ekki til þess að bæta hag alþýðunnar. Slík kerfi eru í besta falli til að auka tekjur um skamman tíma sem síðan er tekið með vöruverðshækkunum, íbúðakri og sköttum. Út úr þessu verður að losa sig með markvissri stefnu sem gerir ráð fyrir afnami skatta, stöðvun verðbólgu og íbúðabráss. Þetta hljóta að vera megin-sjónarmiðin í efnahagsmálum, sem velja efnahagsbyrðunum af herðum alþýðunnar yfir á auðmennina.

Í öðru lagi verður að berjast fyrir verndun lýðrættinda og berjast gegn hvers konar tilraunum til skerðingar á þeim. Allt sem miðar að því að hefta eða skerða tjáningarfrelsi af öllu lagi er stefnt gegn alþýðunni. Það verður að berjast fyrir auknum möguleikum alþýðufólks til að hafa tækifæri til að tjá sig hvort sem það er í list eða öðru. Félagsstarfssemi á kostnað ríkisins verður að auka og fundarsali, blaðautgáfu og fleira þar sem alþýðufólki og félagssamtökum sem ekki eru styrkt af einkaaðilum er leyfður aðgangur. Hér á landi eru lýðrættindi stórlega skert vegna peningavaldsins sem drottnar yfir menningunni í krafti auðæfa sinna. Þessu verður að breyta með öflugri baráttu fyrir raunverulegum lýðrættindum.

Að síðustu munum við berjast fyrir verndun sjálfsákvörðunarréttarins og fullveldis landsins fyrir erlendri heimsvaldastefnu. Það verður að bera kröfuna fyrir brottför hersins og úrsögn Íslands úr NATO fram til sigurs. Að kvíka frá þessari kröfu eru hrein svik við baráttuna fyrir sjálfsákvörðunarréttinum. Það verður í þessu sambandi einnig að berjast gegn ásælni erlendra auðfyrirtækja inn í landið. Aukin sókn erlendra risafyrirtækja inn í Íslenskt efnahagslíf skerðir mjög sjálfstæði landsins gagnvart erlendum auðfursum. Sala sjálfstæðisins fyrir nokkrar krónur, sem vissulega tapast aftur, er óviðunandi.

Þetta gæti í stórum dráttum verið sá grundvöllur sem KFÍml berðist á í næstu kosningum. Það sem við leggjum áherslu á er að sjónarmið verkalýðsins sé sett á oddinn skýrt og skilmerkilega í þessum þremur veigamestu málum þjóðarinnar. Samstarf og samvinna með öðrum um þessi mál mun framtíðin skera úr um.

Hvað varð um milljarðagróðann?

Hið kapitalíska hagkerfi lög og reglur þess eru tæki þessara risafyrirtækja til að auka og magna sinn eigin auð. Það er því einmitt vegna Gjaldeyriseftirlits Seðlabankans sem þessum tveimur einokunarhringjum SÍs og SH hefur tekist að auka gróða fyrirtækja sinna um 26 milljarða milli árána 1974 og 1977. Lögin og reglurnar eru ekki til að vernda hinn vinnandi mann og laun hans, heldur til að vernda skapara sinn kapitalistann. Þannig er auðvaldsþjóðfélagið uppbyggt og þannig getur það aðeins haldið áfram að vera til, ef auðsöfnun kapitalistanna stöðvast, lokast fyrir lífsþrótt auðvaldsþjóðfélagsins, sem hrínur þá saman. Kapitalisminn sem hefur gert allt að vöru fær ekki lífað nema græða á viðskiptunum við Íslenskt og bandarískt vinnuafli, sem skapað hefur hvern eyri í stórfelldum gróða þeirra. Aldrei verður hægt að rétta svo hlut verkalýðsins innan kapitalismans að hann nái aftur öllu því sem hann hefur skapað með eigin vinnuafli, en við munum hvorki láta Árna né neinn annan hræða okkur frá því að berjast gegn kauprænsstefnu þeirra. Söun og spilling yfirstéttarinnar er orsök allra efnahagsörðugleika, en verkafólk ber enga ábyrgð á þeim.

Hvað varð um gróðann?

Í lok greinar sinnar reynir Árni að útskýra hvað hafi orðið um milljarðagróðann sem skapast hefur í freðfiskiðnaðinum. Eins og vænta mátti verður Árna fyrst litið á kostnað þeirra framkvæmda, sem ekki virðast skila beinum gróða. Alla veganna ekki beinum gróða til fiskiðnaðarins, eftir því sem best verður séð. Þetta eru greinar eins og verndunarsjónarmið alls konar, tilraunir þriðja heimsríkja til að bæta lífsskjör sín og hækkan arabaríkja á afurðum sínum olíunni. Þetta telur Árni fyrst og fremst vera orsökina fyrir því að kostnaður hefur aukist hjá frystihúseigendum um 40 milljarða, en væri ekki full ástæða til að athuga þessar fullyrðingar Árna nokkuð nánar. Eru það þessi atriði sem hækkað hafa rekstrar-kostnað fyrirtækjanna um 40 milljarða? Er það mögulegt að aðgerðir eins og verndun náttúruauðlinda beri með sér stórfelldan kostnaðarauka fyrir iðnaðinn? Þessa fullyrðingu Árna skulum við kanna nokkuð nánar.

HAFIÐ SAMBAND VIÐ KOMMUNISTAFLOKK ÍSLANDS M-L

● **Miðstjórn og ritstjórn** Stéttabaráttunnar. sími: 27810 og pósthólf 1357, 121R. Einnig í Rauðu Stjórnunni bókaúð. Lindargötu 15. Opíð mánud. -föstud 15-18, 30

● **Akureyri: Jón Atli** Játvarðsson. Hafnarstræti 23.
● **Hafnarfjörður: Fjóla** Rögnvaldsd. Reykjarvíkurveg 24.
● **Hornafjörður: Skúli** Walörff. Silfurbraut 2.
● **Neskaupstaður: Messíana** Tómasdóttir. Þiljuvöllum 38.

● **Snæfellsnes: Sigfús** Almarsson. Hellisbraut 10
● **Hellissandi, og Gísli** Hjaltason, pósthólf 63, Stykkishólmi.
● **Suðurnes: Einar** Jónsson Sólvaldargötu 40c, Keflavík.

● **Danmörk: Magnús** Þorgrímsson, Børgrlum Kollegiet v. 444 Børgrlumvej 2, 8240 Risskov.
● **Svíþjóð: Kristján L.** Guðlaugsson, Kåmnarsvägen 11 N: 220. 222 46 LUND.

framhald af forsíðu

jafn vel og aðrir að vöruverð hækkar burt séð frá því hvaða mengunarvarnir eru gerðar, því það eru ekki mengunarvarnir sem ráða verðbólgunni. Enda var verðbólgan til löngu áður en þeir hlutir komu til sem Árni telur nú vera orsök verðbólgunnar.

Hvert gróðinn fer verður ekki skýrt með þeim dæmum sem Árni telur þau koma málinu svo til ekkert við eða eru frekar til að gera reksturinn hagkvæman ef eitthvað er. Gróðinn hefur því farið í aðra þætti og Árni bendir á ríki þriðja heimsins sem eiga samkvæmt honum að vera einn þáttur í kostnaðaraukanum.

Fer gróði fískisöllum til þriðja heims ríkja.

Þegar Árni hefur talið upp innlendu orsakirnar leitar hann út fyrir landsteinana og finnur orsökina hjá alþýðu þriðja heimsins. Hvernig hann kemst að þessari niðurstöðu skilja víst fáir en hann segir "og í síðasta lagi veldur sókn þriðja heimsins eftir auknum hlut í lífsgæðum heimsins verðhækkunum hér um slóðir". Hvílk dæmalaus sjónarmið og það sem hann klikkir út með að við verðum að taka afleiðingunum af því að styðja ranga pólitík. Hann á sem sagt við að vegna stuðnings vinstri hreyfingar við frelsisbaráttu þriðja heimsins þá verði okkur refsað með verðbólgu.

Niðurstöður þessa væru sem sagt þær ef við stæðum við hlið kapitalistanna í ræningjastarfishemi þeirra á auðlindum og vinnuafli þriðja heimsins þá hefðum við losnað við verðbólguna alla veganna að hluta.

Hvort sem við lítum á þetta út frá mannúðarsjónarmiði eða út frá hagrænu sjónarmiði munum við aldrei styðja ræningjastarfishemi þá sem Árni er að gráta. Það eru vissulega hagsmunir alþýðu heimsins að þriðji heimurinn öðlist sjálfstæði gagnvart auðvaldsríkjum og risafyrirtækjum Vestur-Evrópu. Ef það er eins og Árni telur að við höfum misst spón úr aski okkar vegna þess að þriðji heimurinn hafi nýtt sínar auðlindir sjálfur þá er það gott, en ekki slæmt. Hvort það hafi leitt til aukins kostnaðar fyrir freðfisksöllum eða annan Íslenskan iðnað er heldur ólíklegt. Er það ekki öllu líklegt að eftir því sem þriðji heimurinn hefur eftir sína eigin framleiðslu og styrkt efnahaginn þá hafi hann meiri möguleika á að kaupa okkar dýru vöru? Það væri kannski helst að vest-rænir kapitalistar hafi notfært sér aukna kaupgetu þriðja heims ríkja og hækkað vöruverðið og þannig hafi verðbólga aukist, en þetta eykur ekki kostnaðinn, heldur gróðann.

Skýringar Árna á hlutdeild þriðja heimsins í verðbólgunni og kostnaðaraukanum fá því ekki staðist gróðinn hefur ekki runnið til þessara ríkja. Það ætti að vera óþarft að ræða sjónarmið Árna út frá mannúðarsjónarmiði þar á hann sjálfsagt ekki marga fylgismenn. Það eru ekki margir sem gætu hugsað sér að berjast honum við

framhald á síðu 3

Ljóð Maós formanns

Dufþakur

Skömmu fyrir jól kom út í íslenskri þýðingu heildar-útgáfa af ljóðum Maós Tsetúngs í tilefni þess, að þá var liðið eitt ár frá dánardægri þessa mikilhæfa leiðtoga kínverskrar alþýðu. Bókin hlaut nafnið *Gangan mikla og þýðingar á ljóðum* um annaðist Guðmundur Sæmundsson. Bók þessi er í alla staði mjög vönduð; auk þýðinganna sjálfra fylgja með skýringar við hvert ljóð og ótal myndskreytingar eftir kínverska listamenn. Einnig eru birt nokkur ljóð, sem ort hafa verið um Maó og baráttu kínverskrar alþýðu, svo og ljóð formannsins á frummálinu ásamt skýringum á þeim bragarhättum, sem Maó notar. Þá fylgir og með stutt æviágrip Maós, en ævi hans er svo samofin sögu Kommúnistaflokks Kína og baráttu kínverskrar alþýðu á þessari öld, að ekki verður í sundur slitið.

Arnþór Helgason, formaður kínversk-Íslenska menningarfélagsins, kemst m.a. svo að orði í aðfararorðum bókarinnar:

"Menn hafa áður fyrr kynnst stjórnvitrinum og heimspekingnum Maó Tsetúng, en með þessari bók kynnast þeir öðrum eðlisþætti hans, það er skáldinu


og listamanninum Maó Tsetúng."

Um ljóð Maós hefur Arnþór þetta að segja:

"Að vísu sjáum við í kvæðum þeim, sem hér eru birt, að ekki er um beina hvatningu eða kennslu að

baráttuhug hennar gegn áleitinni heimsvaldastefnu risaveldanna og endurskoðunarstefnu innan flokksins."

Þau ljóð sem birt hafa verið eftir Maó formann eru alls 39 talsins og spanna yfir 40 ára tímabil í ævi



ræða í öllum ljóðunum, en víða er þar að finna skírskotun til atburða í kínverskri sögu, sem menn geta greinilega lært af, og seinustu kvæðin eru beinlínis ort til þess að stappa stálinu í kínversku þjóðina og efla

hans eða frá 1925-65. Í ljóðunum má því að nokkru leyti rekja baráttusögu alþýðunnar í Kína.

Hér skal enginn dómur lagður á kosti eða galla þýðingar Guðmundar Sæmunds sonar, en greinilegt er, að

Guðmundur hefur reynt að koma bæði innihaldi og formi trúverðulega til skila. Hvað formið snertir er næsta óvinnandi vegur að koma þeim fyllilega til skila í íslenskri þýðingu, því ljóðin eru ort undir sérstökum kínverskum bragarhättum, alls óskildum þeim, er við þekkjum best. Því er mest um vert, að innihald ljóðanna komist óbrenslað til skila í þýðingunni, en ekki verður annað séð, en þýðandinn hafi komist vel frá því vandasama verki.

Maó Tsetúng hefur sjálfur rætt mikið og ritað um bókmenntir og listir. Þekktasta innlegg hans í þær umræður er án efa ræða sú, er hann flutti í Jenan 1942. Við skulum láta fylgja með hér eina tilvitnun úr þessari ræðu:

"Í heiminum í dag er öll menning, allar bókmenntir og allar listir bundanr ákveðnum stéttum og tengdar ákveðnum þjóðfélagsstefnum. Í raun og samleiða er ekkert slíkt til sem listin fyrir listina. Engin list stendur stéttunum ofar. Engin list er án tengsla við eða óháð stjórnmálum. Listir og bókmenntir verkalyðs eru þáttir í byltingarbaráttu hans í heild."

Lærum af Maó Tse tung

Nú hefur Stéttabaráttan lokið við að birta ritgerð Maó Tsetúngs "Hin tíu megin tengsl" sem hann flutti á fundi pólitískrar framkvæmdanefndar miðstjórnar Kommúnistaflokks Kína, 25. apríl 1956. Það skal tekið fram að í undirbúningi er að gefa út þessa ritgerð í heild sinni í bæklingi sem mun líta dagsins ljós innan skamms. Ritnefnd Stéttabaráttunnar vonar að lesendur blaðsins hafi haft nokkuð gagn af lesningu "Hinna tíu megin tengsla" og enn fremur að sem flestir færi sér í nyt það tækifæri að fá ritgerðina í bæklingi. Við teljum að það sé nauðsynlegt öllum þeim sem vilja tileinka eða kynna sér marxismann-lenínismann af einhverri alvöru, en ekki yfirborðslega að lesa ritverk Maós vandlega og að ofan greind ritgerð sé þar veigamikill hlekkur. Ritgerðin er skirt dæmi þess hvernig Maó Tsetung beitir almennum sannindum marxismans-lenínismans við úrlausn þeirra vandaamála sem við blöstu sósíalískri uppbyggingu og sósíalískri umsköpun í Kína árið 1956. Í grein Maós kemur einnig fram að hann færir sér í nyt reynslu hins fyrsta sósíalískra ríkis, Sovétríkjanna, með það að markmiði að "læra af fyrri mistökum til að forðast önnur í framtíðinni". Um þetta segir hann m.a. "Og við megum ekki apa allt eftir hugsunar-

laust og flytja það hingað á vélrænan hátt. Auðvitað verðum við að forðast að taka upp veikar hliðar þeirra og galla. Við ættum að hafa sömu afstöðu þegar við lærum af reynslu Sovétríkjanna og annara sósíalískra ríkja. Sumir gættu þessa ekki áður fyrr og tóku einnig upp veikleika þeirra. Þegar þeir voru að springa af monti yfir því sem þeir höfðu tekið upp, var þegar verið að hafna því í viðkomandi löndum. Afleiðingin varð sú að þeir urðu að fara kollhnís eins og apinn Sun Wu-kung." Ennfremur segir hann í sama kafla: "Það myndi leiða okkur í ógöngur ef sérhverri einstakri setningu, jafnvel þótt Marx hefði skrifað hana, væri fylgt. Kenning okkar er aðlögun almennra sanninda marxismans-lenínismans við hlutstæðan raunveruleika kínversku byltingarinnar." Það er enginn vafi á að íslenskir marxistar-lenínistar geta margt lært af þeim starfsstíl sem umfjöllun Maós ber með sér. Sérstaklega er lærdómsríkt að tileinka sér kafla IX um tengslin milli rétttra hluta og rangra. Þar tekur hann til umfjöllunar hvernig meðhöndla eigi villur og hvert sé markmiðið með gagnrýni og sjálfs gagnrýni. Þar segir m.a.: "Það er eðlilegt í samræmi við eðli málsins að hæfileg og vel grunduð gagnrýni sé sett fram gagnvart

þeim félögum sem gert hafa villur og jafnframt að heyja nauðsynlega baráttu gegn þeim; þetta er gert til að aðstoða þá við að leiðrétta mistök.

Að neita þeim um aðstoð og það sem verra er að hlakka yfir mistökum þeirra er einangrunarstefna." (undirstr. STB)

Og á öðrum stað stendur: "er kreddusinnar undir forystu Wang Ming voru leiðandi gerði flokkur okkar mistök í þessu tilliti, með því að aðhyllast hinar slæmu hliðar í starfsstíl Stalíns. Kreddusinnar höfnuðu millihópum í þjóðfélaginu og innan flokksins leyfðu þeir ekki fólki að leiðrétta mistök sín og taka þátt í byltingunni".

Það hefur reynst íslenskum marxistum-lenínistum örðugt að leysa innri vandamál hreyfingarinnar með einingu í huga. Þess í stað er klofningurinn og einangrunarstefnan í hávegum höfð og veldur það hreyfingunni ómældum skaða. Það er röng afstaða að úthrópa fólk sem andbyltingsar sinna sem maður álítur að hafi gert villur og reyna

þannig að einangra það frá byltingunni. Þess í stað þarf að koma hjálp og baráttu við það fólk sem gert hefur villur, með það að markmiði að læra af mistökunum til að forðast önnur í framtíðinni og að lækna sjúkdóminn til að bjarga sjúklíngunum. Þessa stefnu ætti hin íslenska marxískaleníníska hreyfing að tileinka sér til að sameina gervalla hreyfinguna í baráttunni gegn höfuðóvininum.

Að lokum skal tilfært það sem Maó segir um flokkinn og alræði öreiganna: "Kenning Leníns um öreigaflokkinn og alræði öreiganna er engan vegin úrelt eins og sumir halda fram. Það er full nauðsyn á alræði öreiganna". Þessi orð minna okkur á að markmið okkar er alræði öreiganna á Íslandi og framkvæmd íslensku byltingarinnar. Það verður að sameina sem flesta til að ná þessu markmiði. Það verður að hagnýta öll öfl sem á einhvern hátt vilja vinna byltingunni gagn. Það er hættuleg stefna, að hafna fólki á þeim grundvelli að það hafi gert villur. Slík stefna stefnir byltingu verkalyðsins í glötun á úrslitastundu.

Askrifendur athugið!

Lausasala kr 80.-	Baráttuáskrift	kr. 5.500.-
Heilt ár eða 48 tölublöð	Venjuleg áskrift	kr. 3.500.-
" " " "	" "	kr. 2.000.-
Hálft ár eða 24 tölublöð	" "	kr. 7.000p-
Erlendis, sent vikulega, 48 tbl.		kr. 5.500.-
Erlendis sent hálfsmánaðarlega (2 blöð í einu)		kr. 5.500.-
Til öryrkja og aldraðra, heilt ár kr. 500.-		

framhald af síðu 2

Hvað varð um milljarðagróðann?

hlið til að auka þá blóðpeninga sem nú þegar er rænt frá þessum ríkjum. Það er kunnara en frá þurfi að segja að skuld okkar við þessi ríki er meiri en svo að við teljum að þau skuldi okkur nokkuð. Það eru aðeins samviskulausir auðsáfnarar eins og Árni og hans líkar sem setja fram slíkar skoðanir.

Gróðans sem Árni gat ekki fundið er ekki að leita í þeim þáttum sem hann taldi upp. Ástæðan fyrir því að hann fann ekki gróðann var að hann leitaði hans ekki þar sem hann var að finna í sínum eigin vasa.

Gróðinn smaug fram hjá skattkerfinu í gegnum skattsvik og hann fór ekki til verkafólks í launum. Hann fór í vasa auðmannanna, stjórnanna og mútubeganna, sem eru á jötu auðstéttarinnar. Hann fór í að skapa meiri auð af vinnu fjöldans til handa fámennri yfirstétt, sem lifir eins og furstar á striti fjöldans. Hann fór í innbyrðissamkeppni, sukk og skipulagsleysi kapitalíska hagkerfisins, étur sjálft sig upp í innbyrðis atökum. Þar er að leita orsaka verðbólgunnar, efnahagsvandans.

Ar fjölmildum

Í 2tbl. málagns Eik (m-l) sem út kom í lok jan., skrifa samtökin grein um framboðstilraunina. Er sú grein full svívirðinga og líft málefna leg að vanda. Þar leypja samtökin upp æsingarviðtal Dagblaðsins við stjórnleysingjann Hermann Ólason sem snerist gegn samstarfsmönnum sínum að mótfamboðinu í Dagsbrún, um þaðjallar Stéttabaráttan í 4. tbl. sínu á þessu ári. Grein in ber með sér þekkingarskori Eik (m-l) á lögum Dagsbrúnar og eins á því hvernigframboðs málin gengu fyrir sig, en það er skiljanlegt þar sem greinin er skrifuð af mönnum sem stóðu víðs fjærri baráttunni. T.d. þarf ekki skriflega samþykkt þeirra manna sem stíllt er upp í trúnaðarráð (ekki trúnaðarmannaráð eins og Eik segja). Eik (m-l) ættu að hafa rænu á því að útvega sér lög Dagsbrúnar í stað þess að þýða málflutning sinn beint úr Dagblaðinu.

Eins væri nú kominn tími til að Eik (m-l) skýri fyrir fólki hver og hvar sú leiðsögn er "sem Einingarsamtök kommúnista leiða í verkalyðs baráttunni" eins og þeir segja. Sú leiðsögn kemur okkur leikmönnum hvergi fyrir sjónir nema í yfirlýsingum málagns samtakama.

Í hinum kostulega og háborgaralega slúðurdalki blaðsins "Samtíningur" er grein sem er full af lygum um Kristján Guðlaugsson ritara Kommúnistaflokksins og stefnu flokksins varðandi Alþingiskosningar þ.e. að hafa eigi samstarf við "þekktar persónur" t.d. Bjarna Guðnason. Þessu er óðarft að svara frekar, heldur skal vísað til leiðara Stéttabaráttunnar en þar er afstaða flokksins birt opinberlega.



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.
5. tbl. 31.1.1978



STÉTTABARÁTTAN
- kemur út vikulega -
Sími: 27810.
Gíró: 27810-6.

Abyrgðarm: Sigurður
Ingi Andrússon.

Sigurður Jón Ólafsson
Óðinsgötu 178
101 R

Krafa um að Elkml sanni sitt mál

Eins og komið hefur fram í Stéttabaráttunni undanfarið gerðu verkamenn tilraun til að bjóða fram og fella frá völdum í Verkamannafélöginu Dagsbrún þá stjórn sem þar situr nú og hefur setið undanfarna áratugi. Þessi tilraun mistókst, af ástæðum sem greint hefur verið frá. Einnig hefur verið sýnt fram á hve árangurinn af starfinu að móttframboðinu hefur orðið jákvæður, þó margt hafi komið upp á sem ómögulegt var að sjá fyrir. Nokkrir félagar Kommúnistaflokksins tóku þátt í þessu starfi og því hafði Stéttabaráttan gott tækifæri á að fylgjast með framvindu mála og hefur því stöðugt flutt fregnir af málinu. Það hefur verið stefna Kommúnistaflokksins að styðja móttframboðsmenn eftir mætti.

Andstaða Eik(ml)

Höfuðvinnur verkamannanna í þessari baráttu sinni var að sjálf-

sögðu stéttasamvinnuformasta verkamannafélagsins og því hefur Stéttabaráttan aðallega beitt sér gegn henni. En nú þegar sú barátta er í bili ekki jafn skörp og áður er rétt að snúa sér að samtökum sem beittu sér í orði og æði gegn móttframboðinu. Þessi samtök nefna sig Einingarsamtök kommúnista (ml).

Eik(ml) hafa álitnið sig og álita sig víst enn vera andstæðinga núverandi Dagsbrúnarstjórnar. En eitthvað virðist þó baráttuáferðum þeirra gegn stjórninni vera áfátt og afstaðan reikandi annað hvort til hægri eða vinstri. Sem dæmi um þetta má nefna að þeir án þess að rökstyðja sitt mál með öðru en stóryrtingu yfirlýsingum, töldu félaga Kommúnistaflokksins vera meðreiðarsveina. Dagsbrúnarstjórnarinnar vegna þeirrar málamiðlunar sem gerð var við stjórnina um að þeir fengju 3 sæti á þingi Verkamannasambandsins. Þessa afstöðu þ.e. að

gerð sé málamiðlun um sæti á þinginu, telur Eik(ml) vera undansláttarstefnu. Líklega hefði þá verið réttara af félögum flokksins að fara að dæmi Eik(ml) og sitja heima með sína "hreinu og tæru byltingarsinnuðu afstöðu og þekkingu".

Varðandi móttframboðið hvarflaði afstaða Eik(ml) frá vinstri öfganum, sem áður greinir, yfir í hægri öfgann sem stóð gegn því að háð yrði á þreifanleg og opinská barátta gegn þeirri stjórn sem áður hafði verið gerð málamiðlun við.

Það sem þeir þá báru fram til þess að réttlæta starfsleysi sitt var þó að í grundvelli móttframboðslistans stæði ekki skýrum stöfum "gegn stéttasamvinnustefnunni" "gerum verkalyðsfélögin að baráttutækjum".

Síðan hvöttu þeir verkamenn til að skila auðu. Sú afstaða þjóðir með öðrum orðum "við viljum óbreitt ástand" þ.e. núverandi stjórn við völd í verkamannafélaginu.

Um allt þetta má lesa

í málgagni Eik(ml) 1. tbl. 1978. Þar stendur enn fremur að þeir verkamenn sem að móttframboðinu stóðu hafi unnið "skemmdarverk á því starfi sem þegar hefur verið unnið (raunar 6-skipulega) við að byggja upp andstöðulið til baráttu gegn stéttasamvinnustefnunni í Dagsbrún og ASI".

Það er ekki nema von að þeir þ.e. félagar Eik, sem ekki hafa tekið þátt í uppbyggingu andstöðuliðs gegn Dagsbrúnarstjórninni og staðið utan við öll störf í því sambandi skilji ekki að einmitt þeir menn sem þátt tóku í starfinu að framboðinu, eru hin skipulega andstaða. Og enginn af þessum mönnum aðhyllist stéttasamvinnustefnu, heldur taka þeir þátt í starfinu vegna þess að þeir vilja að verkalyðsfélagið sé sterkt baráttutæki í höndum verkafólks og þjóni hagsmunum þess. Um það ber hinn málefnalegi grundvöllur framboðslistans glögg vitni.

En Eik(ml) með sína "grasrótarstefnu" eins og þeir kalla hana, telja víst ekki rétt að lagt sé út í neins konar baráttu fyrr en allir eru orðnir fylgjandi stefnu hins kommúniska flokks alþýðunnar, sem samkvæmt skilgreiningu Eik(ml) er: "Eik(ml) eru einu marx-lenínisku samtökin á Íslandi".

Allir þeir sem ekki fylgja "fjöldalínu" Eik(ml) (að undantekinni

"fáfróðri" óflokksbundinni alþýðunni) eru í augum Eik(ml) "endurskoðunarsinnar" "henti-stefnumenn" "skemmdarverkaklíkur" "meðreiðarsveinar" "jábræður" "trúbadorar" og jafnvel "fasistar". Enginn allra þessara "óvina" Eik(ml) á samkvæmt skilgreiningu Eik(ml) rétt á því yfirleitt að vera til. Málagn Eik(ml) sem virðist hafa það að höfuðverkefni að ráðast á vinstrihreyfingar, reynir stöðugt að blása út og mikla fyrir lesendum sínum, minniháttar villur sem aðrir en "Eikarar" gera og jafnvel þó ekki sé um villur að ræða.

En þegar Eik(ml) gerir villur eins og t.d. að skilgreina höfuðmóthverfuna rangt, þá heitir það að "Eik(ml) hafi í höfuðatriðum alltaf haft rétta stefnu

Nú hefur Eik(ml) slegi því föstu að starf verkamannanna að móttframboðin hafi verið skemmdarverk.

Hafi svo verið er rétt hjá Eik(ml) að segja það afdráttarlaust en þau verða einnig að sanna þa

Nauðsynlegt er að meti sé nákvæmlega, hvað sé rétt stefna og hvað ekki

Og það mat er gert með því að draga af starfinu réttar ályktanir og fá fram hver reynslan sé, hvort sem stefnan hefur verið rétt eða röng.

Ef nú Eik(ml) gerir tilraun til að sanna "skemmarverkin" upp á verkamennina, þá verður að koma þar skýrt fram í hvaða starfi og hverra voru þau unnin.

/ghb



Kambóðískir frelsishermenn

Lygapvæla Kremlherranna

framhald af forsiðu

viljað stofna þar "samtök til verndar sameiginlegu öryggi."

Nú nota þeir sama bragðið í deilu Kambódíu og Vjetnams. Rússar sjálfir hafa samannlega reynt að gera deiluna harðari og bæt olíu á eldinn. Á sama tíma reyna þeir með öllum ráðum að rægja Kína. Með því halda þeir að þeir geti beint athygli heimsins frá heimsvaldasinnuðum markmiðum þeirra sjálfra.

Annað markmið Rússa er að sá missætti, þeir segja að Kínverjar hafi verið andvígir sameiningu Vjetnams. Þessi lygi er einstaklega klaufaleg, því allir vita að Kínverjar studdu Vjetnama í

baráttu þeirra gegn bandarísku heimsvaldasstefnunni og fyrir sameiningu landsins. Vjetnamar sem háðu langt og grimmt stríð vita þetta. Það er jafn kunn staðreynd að Rússar studdu klíku Lon-Nols, öll þau fimm ár sem alþýða Kambódíu háði frelsisstríð sitt. Þeir réðust gegn þjóðfrelsishreyfingunni og reyndu í samvinnu við Lon-Nol klíkuna að skapa eitthvert þriðja afl. Markmiðið var að eyðileggja byltinguna í Kambódíu. Sovéska stjórnin hélt stjórnmalasambandi við stjórn Lon-Nols allt til þess dags er hún féll.

Það er þess vegna auðvelt að sjá hvers

vegna Rússar neita að sætta sig við tilveru sósíalískis lýðræðisríkis í Kambódíu og gera allt sem í þeirra valdi stendur til að losna við það. Vegna þessa markmiðs síns breiða þeir út lygar um Kína til að fela sín eigin áform.

Engu að síður getur fólk lært af andkínverskum áróðri Rússa. Hann eykur árvekni íbúa Indókinna og annara landa Suðaustur-Asíu gegn Sovétríkjunum. Fólk bíður átektu og fylgist með því hvað rússnesku heimsvaldasinnarnir hafa fleira óhreint í poka-horninu vegna deilna Kambódíu og Vjetnams.

(Úr Hsinhua News)

Stórsigur yfir niðurrífsöflunum

framhald af forsiðu

hlíðarkórnum stýrðu söngnum. Með tilliti til aðstæðna þótti rétt að byrja á "Nú er frost á Fróni"... Nokkur ávörp voru flutt og voru ræðumenn stutt orðir og gagnorðir og í ávörpum þeirra kom ýmislegt skemmtilegt og nýtt fram. Meðal annars talaði Þorgeir Þorgeirsson um verðmætamatíð og fíranleik þess. Þau handverk sem maðurinn skilur eftir sig svo sem mannvirki eru lítills metin, en hins vegar er það sem eftir verður af honum, líkið sem holað er í jörð, svo heilagt að alls ekki má hrófla við kirkjugörðum, meðan heilar borgir eru jafnaðar við jörðu. En hvers vegna? Þar kemur inn í spilið spurningin um einka eignina. Húsin og lóðirnar sem þau standa á eru í flestum tilfellum í einkaeygn, en kirkjugarðar eru jarðnæði í

eign ríkisins. Það er hagur þeirra er húsin og lóðirnar eiga að fá að braska með þær, en engir einsaklingar graða á sölu kirkjugarðanna. En ef fersendum væri snúið við, það er að einstaklingar ættu kirkjugarðana, þá mættum við búast við að fljótlegra breyttist viðhorfið til kirkjugarðanna.

Styrkur þessa fundar var fólgin í því hve margir sóttu hann og þá ekki síður þeim baráttuanda sem einkenndi hann. Þar komst enginn uppgjafartónn að. En þessi fundur er ekki lokasigurinn, málið er enn ekki útklæð. Við verðum enn um sinn að standa vörð um gamla miðbæinn. Næsta fimmtudag mun borgarstjórnin halda fund þar sem fjallað verður um málið, í húsakynnum sínum í Skúlatúni 4. Þar verðum við að mæta og sýna borgarstjórninni fram á hug okkar og styrk.